

EKSTRAKT I JETËSHKRIMEVE TË NËPUNËSVE CIVILË TË NIVELIT TË LARTË DHE TË MESËM DREJTUES, SI DHE I
FUNKSIONARËVE POLITIKË DHE TË KABINETIT NË INSTITUCIONIN E AVOKATIT TË POPULLIT

KABINETI I AVOKATIT TË POPULLIT

Kabineti i Avokatit të Popullit drejtohet nga Drejtori i Kabinetit, dhe ka në përbërje pesë këshilltarë.

Z. Genti Çani
Drejtor i Kabinetit të Avokatit të Popullit

Z. Genti Çani është pjesë e institucionit të Avokatit të Popullit prej vitit 2024. Ai, ka ndjekur studimet për Drejtësi pranë Universitetit të Tiranës, ku është diplomuar në vitin 1996. Më pas ka përfunduar studimet Master në të Drejtë Penale si dhe në Studime Evropiane dhe ato të doktoratës pranë Universitetit të Tiranës në fushën e së drejtës penale dhe asaj doganore.

Z. Çani është një ekspert me përvojë në tregtinë ndërkombëtare me mbi dy dekada eksperiencë të larmishme operacionale, teknike dhe drejtuese në Administratën Doganore Shqiptare, në fusha ndryshme të rëndësishme si menaxhimi i riskut, mbrojtja e të drejtave të pronësisë intelektuale, marrëdhëniet me jashtë dhe integrimi evropian, etj. Karriera profesionale e z. Çani është pasuruar më tej me eksperiencën ndërkombëtare në formësimin e praktikave doganore më të mira ndërkombëtare, të fituar si Bashkëpunëtor Profesional në Organizatën Botërore të Doganave dhe si Ekspert Kombëtar lidhur me iniciativat rajonale në Sekretariatit e CEFTA-s, në Bruksel.

Eksperiencia e punës në administratën publike, kualifikimet profesionale dhe menaxheriale (kombëtare dhe ndërkombëtare), kontributi lidhur me procesin e integrimin evropian, të kombinuara me kualifikimet e tij arsimore dhe ekspertizën ligjore, sjellin një përzierje unike që bën atë një aset të vlefshëm për ekipin tonë të Avokatit të Popullit.

Z.nj. Alisa Demollari

Këshilltare e Avokatit të Popullit për marrëdhëniet me median

Alisa Demollari, aktualisht në rolin e Këshilltares për Media të Avokates së Popullit, ka një eksperiencë të pasur në fushën e komunikimit dhe zëdhënies në institucionet shtetërore.

Para marrjes së kësaj detyre, znj. Demollari ishte Zëdhënëse e Institucionit të Presidentit të Republikës.

Fillimet e karrierës së saj nisin prej vitit 2006, fillimisht me spikerimin në radio dhe më tej raportimi në studion e lajmeve të TV Neës 24, paralelisht duke ndjekur në terren ngjarje të aktualitetit.

Eksperiencën e saj si zëdhënëse e nisi fillimisht në Ministrinë e Shëndetësisë dhe më pas në Ministrinë e Drejtësisë, për të vijuar më tej edhe në institucione të tjera të rëndësishme.

Studimet e saj ajo i kreu në Fakultetin Filologjik, dega Gjuhë - Letërsi, ndërsa ka vijuar të ndjekë edhe të tjera specializime në fushën e medias dhe komunikimit.

SEKSIONI PËR MBROJTJEN DHE PROMOVIMIN E TË DREJTAVE TË FËMIJËVE

Seksioni për Mbrojtjen dhe Promovimin e të drejtave të Fëmijëve drejtohet nga Komisioneri dhe ka në përbërje tre ndihmëskomisionerë të cilët janë nëpunës civilë.

Komisioneri për Mbrojtjen dhe Promovimin e të Drejtave të Fëmijëve është zgjedhur nga Kuvendi i Republikës së Shqipërisë në përputhje me procedurat e parashikuara në nenin 33/1 të ligjit nr. 8454, datë 04.02.1999, "Për Avokatin e Popullit", i ndryshuar.

ZNJ. OLTA ALIAJ

Komisionere e Seksionit për Mbrojtjen dhe Promovimin e të drejtave të Fëmijëve

Në datën 14 prill 2022, Znj. Olta Aliaj është zgjedhur nga Kuvendi i Shqipërisë në pozicionin e Komisioneres së Seksionit për Mbrojtjen dhe Promovimin e të Drejtave të Fëmijëve.

Ajo ka ndjekur studimet për jurisprudence në Universitetin e Bolonjës (Università di Bologna) ku është diplomuar në 2 vitin 2001. Më pas ka vazhduar studimet pasuniversitare dhe në vitin 2005 ka marrë titullin "Master" (LL.M.) në Fakultetin e Drejtësisë të Universitetit Amerikan (American University, College of Laë) në Ëashington DC. Gjatë viteve 2005-2009 ka ushtruar profesionin e avokatit në zyrën ligjore Sidley Austin LLP në Ëashington DC. Në periudhën 2011- 2022 ka punuar si këshilltare ligjore në Gjykatën Kushtetuese. Ka dhënë gjithashtu ekspertizë ligjore në procesin e reformës në drejtësi për hartimin e ndryshimeve kushtetuese dhe ndryshimeve të ligjit për organizimin dhe funksionimin e Gjykatës Kushtetuese. Si këshilltare ligjore, ka marrë pjesë në trajnime të vazhdueshme për të drejtat e njeriut dhe jurisprundencën e GJEDNJ-së, si dhe është angazhuar pranë Shkollës së Magjistraturës, në programin e formimit vazhdues të gjyqtarëve dhe prokurorëve. Zotëron gjuhët anglisht, italisht dhe spanjisht.

ZNJ. ANILA NEPRAVISHTA

Ndihmëskomisionere në Seksionin për Mbrojtjen dhe Promovimin e të drejtave të Fëmijëve

Znj. Anila Nepravishta është pjesë e insitucionit të Avokatit të Popullit prej vitit 2000. Aktualisht, mban pozicionin Ndihmëskomisionere në Seksionin për Mbrojtjen dhe Promovimin e të drejtave të Fëmijëve., me statusin e nëpunësit civil të nivelit të lartë drejtues.

Ajo ka përfunduar studimet në Fakultetin Juridik të Universitetit të Tiranës. Pas kryerjes së studimeve universitare në vitet 1990-1994 dhe diplomimit në vitin 1994 "Juriste" në Universitetin e Tiranës , në periudhën e viteve 2003-2005 është diplomuar "Master" në Shkollën Pasuniversitare për Studime Evropiane, Tiranë. Po ashtu, në vitet 2010-2013 ka fituar titullin "Doktor", në Fakultetin e Drejtësisë, Universiteti i Tiranës. Ka punuar pas diplomimit, si as.pedagoge në Fakultetin Juridik, Universiteti "Luigj Gurakuqi", Shkodër, lektore në periudhën e viteve 1994-1997 në lëndën " E drejta administrative", dhe ka qenë Shefe e Departamentit të së Drejtës Publike. Ndërsa në periudhën e viteve 1997-2000 ka punuar Juriste, në Kontrollin e Lartë të Shtetit, Tiranë. Me krijimin e insitucionit të Avokatit të Popullit në vitin 2000, ka filluar punë në këtë insitucion dhe vijon të punojë pranë këtij insitucioni kombëtar të mbrojtjes së të drejtave të njeriut. Në periudhën e viteve 2000-2010 ka punuar ndihmëskomisionere në Seksionin e Përgjithshëm; Për periudhën 2010-2013 është zgjedhur nga Kuvendi i Shqipërisë për Komisionere për Seksionin e Përgjithshëm. Aktualisht ajo vijon punën pranë këtij insitucioni si ndihmëskomisionere në Seksionin për Mbrojtjen dhe Promovimin e të Drejtave të Fëmijëve. Znj. Nepravishta është specializuar nga Shkolla Shqiptare e Administratës Publike është si trajnere në fushën e Antikorrupsionit.

ZNJ. MATILDA TYLI

Ndihmëskomisionere në Seksionin për Mbrojtjen dhe Promovimin e të drejtave të Fëmijëve

Znj. Matilda Tyli është pjesë e insitucionit të Avokatit të Popullit prej vitit 2016. Aktualisht, mban pozicionin Ndihmëskomisionere në Seksionin për Mbrojtjen dhe Promovimin e të drejtave të Fëmijëve, me statusin e nëpunësit civil të nivelit të lartë drejtues.

Ajo ka përfunduar studimet në Fakultetin e Shkencave Sociale të Universitetit të Tiranës në vitin 1999, duke u diplomuar për Punë Sociale. Gjatë periudhës së studimeve dhe me pas, ka qënë e angazhuar në shoqërinë civile duke luajtur një rol aktiv në fuqizimin e organizatave jo-qeveritare rinore në drejtim të mbrojtjes së të drejtave të grupeve të marxhinalizuara si përdoruesit e drogës, fëmijët në nevojë, viktimat e trafikimit. Në prill të vitit 1999, filloi punë në Organizatën Ndërkombëtare "Christian Children Found" (ÇF) ku u trajnuar për eliminimin e Stresit Post Traumatik dhe Traumit e Luftës nga ekspertë dhe profesor të Universitetit të Texasit-USA me qëllim lehtësimin e pasojave traumatike të fëmijëve si rezultat i luftës së Kosovës. Në periudhën 2010-2012, ka përfunduar Masterin e Nivelit të Dytë në Institutin e Studimeve Evropiane të Universitetit të Tiranës dhe tema e mbrojtur në fund të këtij cikli studimesh është "Kujdesi social për fëmijët në nevojë". Në periudhën 2000-2016, ajo punoi pranë institucioneve të administratës publike në nivel zbatues dhe hartues politikash, konkretisht në Ministrinë e Kulturës Rinisë dhe Sporteve, Drejtorinë e Përgjithshme të Shërbimit Social Shtetëror, Ministrinë e Mirëqenies Sociale dhe Rinisë në të cilën kontributi i saj ka konsistuar në hartimin e shumë akteve ligjore dhe nënligjore në drejtim të mbrojtjes sociale me qëllim sigurimin dhe ofrimin e shërbimeve të kujdesit shoqëror, për të garantuar mirëqenie dhe përfshirje shoqërore të individëve e të familjeve që kanë nevojë për kujdes shoqëror. Paralelisht me detyrat e mësipërme znj. Tyli ka dhënë ndihmesën e saj edhe në hartimin e legjislacionit shqiptar, ku disa nga kontributet më të spikaturat kanë qenë: anëtare e Grupit të Punës për hartimin e ligjit nr. 163/2014 "Për Urdhrin e Punonjësve Social në Republikën e Shqipërisë", ligjit nr. 40/2016 "Për Urdhrin e psikologut në Republikën e Shqipërisë". Gjatë eksperiencës së punës në administratën publike, përgjegjësitë e niveleve të ndryshme që ka patur, i kanë dhënë znj. Tyli mundësinë që të zhvilloj aftësitë profesionale, paralelisht me kërkesat e reja të zhvillimeve shoqërore për përballimin e sfidave të reja në drejtim të zhvillimit të demokracisë dhe mbrojtjes së të drejtave të njeriut. Në vitin 2016, znj. Matilda Tyli është emëruar ndihmëskomisioner pranë Seksionit për Mbrojtjen dhe Promovimin e të Drejtave të Fëmijëve të institucionit të Avokatit të Popullit të Republikës së Shqipërisë.

Z. DONALD FETAH

Ndihmëskomisioner në Seksionin për Mbrojtjen dhe Promovimin e të drejtave të Fëmijëve

Z. Donald Fetah është pjesë e insitucionit të Avokatit të Popullit prej vitit 2019. Aktualisht, mban pozicionin Ndihmëskomisioner në Seksionin për Mbrojtjen dhe Promovimin e të drejtave të Fëmijëve.

Ai ka ndjekur studimet universitare bachelor pranë Universitetit të Tiranës, Fakulteti i Shkencave Sociale, dega Shkenca Politike përgjatë viteve 2006-2009. Në vitin 2011 përfundoi studimet master shkencor në Teori Politike, me rezultate të shkëlqyera. Në periudhën 2013-2019 ka mbajtur pozicionin e Përgjegjësit të Sektorit të Shërbimit Social, në Njësinë Administrative nr.3, Bashkia Tiranë, duke kontribuar thelbësisht në përmirësimin e cilësisë së jetesës së grupeve në nevojë. Përgjatë viteve 2015-2016, ka ndjekur studimet master në Analizë të Politikave Sociale, pranë Universitetit të Tiranës, Fakulteti i Shkencave Sociale, dega Punë Sociale. Në vitin 2019 është emëruar Ndihmëskomisioner në Seksionin e Mbrojtjes dhe Promovimit të të Drejtave të Fëmijëve, në institucionin e Avokatit të Popullit.

SEKSIONI PËR ORGANET E ADMINISTRATËS QENDRORE, TË PUSHTETIT VENDOR DHE TË TË TRETËVE QË VEPROJNË PËR LLOGARI TË TYRE

Seksioni i Administratës drejtohet nga Komisioneri dhe ka në përbërje gjashtë ndihmëskomisionerë të cilët janë nëpunës civilë.

Komisioneri i Seksionit të Administratës është zgjedhur nga Kuvendi i Republikës së Shqipërisë në përputhje me procedurat e parashikuara në nenin 33/1 të ligjit nr. 8454, datë 04.02.1999, "Për Avokatin e Popullit", i ndryshuar.

ZNJ. ERINDA MELI

Komisionere e Seksionit të Administratës

Znj. Erinda Meli ushtron për një mandat 4-vjeçar funksionin e Komisioneres në Seksionin për Organet e Administratës Qendrore, të Pushtetit Vendor dhe të të tretëve që veprojnë për llogari të tyre në institucionin Avokatit të Popullit, sipas Vendimit nr. 30/2024, miratuar më datë 04.04.2024 nga Kuvendi i Republikës së Shqipërisë

Në datën 4 prill 2024, znj. Erinda Meli është zgjedhur nga Kuvendi i Shqipërisë në pozicionin e Komisioneres në Seksionin për organet e administratës qendrore, të pushtetit vendor dhe të të tretëve që veprojnë për llogari të tyre. Ajo ka ndjekur studimet për jurisprudencë në Fakultetin e Drejtësisë në Universitetin e Tiranës ku është diplomuar në vitin 2008. Më pas ka vazhduar studimet pasuniversitare dhe në vitin 2011 ka marrë titullin "Master" në po të njëjtin universitet. Gjatë viteve 2008-2013 ka ushtruar profesionin e avokates në zyrën ligjore Haxhia dhe Hajdari në Tiranë. Në periudhën 2014-2017 për katër vite ka punuar si këshilltare ligjore në Gjykatën Evropiane të të Drejtave të Njeriut në Strasbourg, Francë dhe në vitin 2021 edhe si këshilltare ligjore në Gjykatën Kushtetuese. Në periudhën 2018-2024 ka punuar si avokate shteti në Avokaturën e Shtetit në nivel qendror. Znj. Meli ka qenë e angazhuar si eksperte ligjore në Këshillin e Evropës, Strasbourg, dhe organizata të tjera. Gjithashtu, ajo është e angazhuar si lektore në trajnimin fillestar në Shkollën Kombëtare të Avokatisë dhe pranë Shkollës së Magjistraturës, në programin e formimit vazhdues të gjyqtarëve dhe prokurorëve. Ajo ka qenë autore e disa punimeve akademike kryesisht me fokus të drejtat e njeriut. Zotëron gjuhët anglisht, italisht dhe frëngjisht.

Z. ARBEN GJOLEKA

Ndihmëskomisioner në Seksionin e Administratës

Z.Arben Gjoleka është pjesë e institucionit të Avokatit të Popullit prej vitit 2008. Aktualisht, mban pozicionin Ndihmëskomisioner në Seksionin e Administratës, me statusin e nëpunësit civil të nivelit të lartë drejtues. Ai ka përfunduar studimet në Fakultetin Gjeologji Miniera të Tiranës, në Degën Gjeologji- naftë në vitin 1991, duke u diplomuar me titullin inxhinier gjeolog-naftë. Pas diplomimit, filloi punë në Ndërmarrjen e Nxjerrjes së Naftës Sheqisht, Fier. Periudha e punës pranë kësaj Ndërmarrjeje 1991-1993. Në vitin 1994 ka përfunduar studimet në Fakultetin Juridik të Universitetit të Tiranës. Në vitin 2003 ka fituar titullin "Avokat". Në vitin 2010, është diplomuar "Master i nivelit të dytë" në Universitetin "Marin Barleti". Pas diplomimit, në periudhën 1994-2003, ka ushtruar detyrën e përmbauesit gjyqësor, Kryetarit të Zyrës së Përmbaimit, Fier, përmbauesit gjyqësor pranë Zyrës së Përmbaimit Tiranë, inspektorit dhe Shefit të Organizimit në Drejtorinë e Përgjithshme të Shërbimit të Përmbaimit Gjyqësor Shtetëror, pranë Ministrisë së Drejtësisë. Në periudhën 2003-2008, ka ushtruar detyrën e inspektorit, Drejtorit Judidik pranë Sh.a. Aeroport "Nënë Tereza", Tiranë, dhe juristit pranë kësaj Shoqërie në likuidim e sipër. Në vitin 2011 ka fituar titullin "Përmbaues gjyqësor privat". Prej vitit 2008 ushtron detyrën e ndihmëskomisionerit pranë "Seksionit për organet e administratës qendrore, të pushtetit vendor dhe të të tretëve që veprojnë për llogari të tyre". Në detyrën e ndihmëskomisionerit ka dhënë ndihmesën në evidentimin e papajtueshmërisë së projekt-ligjve, ligjeve, akteve nënligjore, me Kushtetutën apo ligje të tjera të veçanta, duke përgatitur me këtë rast kërkesa drejtuar Gjykatës Kushtetuese, e përfaqësuar Institucionin e Avokatit të Popullit në këtë Gjykatë, si dhe, përgatitur rekomandime të natyrës legjislative apo rekomandime për rivendosjen në vend të një të drejte, lirie apo interesi të ligjshëm të individit prej organeve të administratës publike.

ZNJ. BRUNILDA KASMI

Ndihmëskomisionere në Seksionin e Administratës

Znj. Brunilda Kasmi është bërë pjesë e kabinetit të Avokatit të Popullit në vitin 2021. Ajo ka përfunduar studimet në Universitetin Shtetëror të Tiranës (Fakulteti i Drejtësisë), në vitin 1995. Në vitin 2009, ka kryer master (studime pasuniversitare) me drejtim civil pranë Universitetit të Tiranës Fakulteti i Drejtësisë. Në periudhën 1996 -2000, ka punuar si nd/gjyqtare pranë Gjykatës së Rrethit Gjyqësor Tiranë. Në periudhën 2000 -2018, ka punuar si gjyqtare pranë Gjykatës së Rrethit Gjyqësor Tiranë. Nga viti 2011, ka ndjekur programin e studimeve të doktoraturës, pranë Departamentit të të Drejtës Civile të Fakultetit të Drejtësisë, Universiteti i Tiranës i papërfunduar. Nga viti 2001 deri në vitin 2018, ka marrë pjesë në programin trajnues të organizuar nga Shkolla Magjistraturës, trajnime në fushën e të

drejtës civile, të drejtës administrative, të drejtës familjare, të procedurës civile, të drejtës së punës, në drejtësinë për të miturit etj.

Z. ENIO HAXHIMIHALI

Ndihmëskomisioner në Seksionin e Administratës

Z.Enio Haxhimihali është pjesë e institucionit të Avokatit të Popullit prej vitit 2014. Ai ka lindur ne Tiranë në vitin 1972. Pas përfundimit të studimeve në Fakultetin e Drejtësisë të Universitetit të Tiranës në vitin 1995, ka punuar kryesisht në institucionet kryesore të Drejtësisë dhe jo vetëm. Ai e ka nisur karrierën si ndihmësgjyqtar në Gjykatën e Rrethit Tiranë, më pas ka vazhduar në Drejtorinë e Përgjithshme të Kodifikimit, pranë Ministrisë së Drejtësisë; me krijimin e Gjykatës së Krimeve të Rënda ai ka qenë kancelari i parë i kësaj gjykate; ka dhënë kontributin në Drejtorinë e Studimeve dhe Kërkimeve Ligjore pranë Prokurorisë së Përgjithshme; pas fitimit të konkursit për Avokat Shteti ka dhënë kontributin në zyrën qendrore të Avokaturës së Përgjithshme të Shtetit, etj. Z. Haxhimihali ka një përvojë të admirueshme edhe në kabinetet e ekzekutivit, apo edhe të institucioneve të pavarura. Fillimisht ai ka qenë këshilltar ligjor i Ministrit të Kulturës, detyrë të cilën e ka ushtruar edhe me ministrin pasardhës; ai ka qenë për disa vite në detyrën e drejtorit të Kabinetit të Ministrit të Brendshëm; për disa vite në funksionin e drejtorit të Kabinetit në Autoritetin e Mediave Audiovizive (fillimisht ish Këshilli Kombëtar i Radiotelevizionit) dhe që nga viti 2014 si drejtor i Kabinetit në institucionin kushtetues të Avokatit të Popullit, detyrë të cilën vazhdon ta ushtrorë edhe aktualisht me Avokatin pasardhës. Vlen për tu përmendur që kontributi i tij në Kabinetet e institucioneve të ekzekutivit, falë punës së tij thellësisht teknik, ka bërë që ai të jetë pjesë e kabineteve të forcave të ndryshme politike, pa qenë pjesë e asnjë partie. Ai paralelisht me detyrat e mësipërme, për disa vite akademike, ka dhënë kontributin e tij edhe si Pedagog i jashtëm në: Shkollën Shqiptare të Magjistraturës; Fakultetin e Drejtësisë të Universitetit shtetëror të Tiranës (ku futi për herë të parë në Universitetet shqiptare një lëndë të re) dhe në Universitetin privat "Albanian University". Vlen për tu theksuar se në institucionet e mësipërme, ai ka qenë jo vetëm lektor, por edhe hartuesi i ciklit të leksioneve përkatëse. Për sa i përket formimit të tij, ai ka kryer studimet e mesme në gjimnazin e përgjithshëm "Sami Frashëri" në Tiranë, studimet e larta në Fakultetin e Drejtësisë të Universitetit të Tiranës dhe pas fitimit të një burse nga Ambasada Franceze në Tiranë, ka ndjekur studimet e thelluara pasuniversitare në Universitetin e Sorbonës, Paris – Francë. Gjithashtu, ai ka ndjekur edhe mjaft trajnime, brenda e jashtë vendit, ku veçohen: Shkolla Shqiptare e Studimeve Politike (organizuar nga Këshilli i Evropës); kursi i trajnimit: "Drejtesia dhe Policia për vendimmarrësit e niveleve të larta në vendet e Ballkanit Perëndimor", organizuar në: Angli, Francë, Gjermani dhe Hungari, nga: Komisioni Europian, Kolegji Policor Europian (CEPOL) dhe Shoqata Evropiane e Kolegjeve të Policisë (AEPIC); kursi i trajnimit: "Për personat që mbulojnë marrëdhëniet me publikun", organizuar nga Agjencia Zvicerane për Zhvillim dhe Bashkëpunim dhe Instituti Shqiptar i Mediave; kursi i trajnimit: "Procesi i kodifikimit të legjisllacionit francez", Paris – France, organizuar nga Ambasada Franceze në Tiranë dhe zhvilluar pranë institucioneve franceze: Komisioni i Lartë i Kodifikimit, Senat, Ministria e Drejtësisë, Ministria e Brendshme, Ministria e Mbrojtjes dhe drejtoria e botimit të Gazetës Zyrtare; kursi i trajnimit: "Mbrojtja e të Drejtave të Njeriut", Paris – Francë, organizuar nga Shkolla Franceze e Magjistraturës, në bashkëpunim me Këshillin e Evropës, etj. Gjatë karrierës së tij ai ka qenë përfaqësues në institucione të rëndësishme, brenda e jashtë vendit ku veçohen: Ekspert dhe përfaqësues i shtetit Shqiptar pranë Këshillit të Evropës në Komisionin e Luftës Kundër Pastrimit të Parave (CDPC: European Committee on Crime Problems; PC-R-EV: Select Committee of Experts on the Evaluation of Anti-Money-Laundering Measures (MONEYVAL), Strasburg – Francë; Përfaqësues i Shtetit Shqiptar ne Gjykatën Ad Hoc "Për gjykimin e dëmeve të shkaktuara nga trupat e KFOR ne Shqipëri"; Anëtar i Komisionit të Lartë të Apelimit të Tatim Taksave, organ i pavarur pranë Ministrisë Shqiptare të Financave (si përfaqësues i Ministrisë së Drejtësisë), anëtar i Bordit të Etikës në Këshillin Shqiptar të Medias, etj. Njëkohësisht z. Haxhimihali ka marrë pjesë në dhjetëra studime, ka mbajtur kumtesa e referate brenda e jashtë vendit, si dhe ka qenë pjesëmarrës në shumë projekte të ndryshme ligjore, ku do të veçonim: ekspertizën ligjore si ekspert i pavarur në projektin "Përafrimi i legjisllacionit mjedisor shqiptar me atë të B. E.-së", financuar nga Komisioni Europian (Europe Aid/118904/C/SV/AL); Projektin: "Forcimi i rolit të gjyqësorit në mbrojtje të lirise se shprehjes", financuar nga Komisioni Europian (Europe Aid/133945/L/ACT/AL); Ekspert ligjor dhe hartues i raportit për vlerësimin e zbatimit të Direktivave të Këshillit të Evropës dhe Rekomandimeve të Kuvendit Europian në lidhje me zbatimin e kritereve nga Inspektorët në Shtetet Anëtare, projekt i financuar nga Bashkimi Europian (kontraktuar nga Regional Environmental Center), apo i kontraktuar drejtpërdrejt si ekspert ligjor i pavarur në disa projekte të Bankës Botërore, UNDP, ORT-ja amerikane, programi "Rrjeti i demokracisë në Shqipëri"; apo edhe projekte të financuara nga UNEP (United Nations Environment Program); GEF (Global Environment Facility), KfE (Kreditanstalt für Eissenschaft); Sëedish International Development Agency, IDA (International Development Fund); GTZ (Gesellschaft für Technische

Zusammenarbeit - Shoqëria Gjermane për bashkëpunimin teknik); Regional Environmental Center, for Central and Eastern Europe; Milieukontakt Oost-Europa, etj. Gjithashtu z. Haxhimihali ka një karrierë edhe si aktivist i shoqërisë civile, që nis në vitin 1993, si bashkëthemelues dhe anëtar i Bordit Drejtues të organizatës së parë joqeveritare studentore për mbrojtjen e mjedisit "Perla"; më pas ka qenë themelues dhe drejtues i organizatës jofitimprurëse "Juristët Shqiptarë për Mbrojtjen e Mjedisit", anëtar i Shoqatës joqeveritare franceze të juristëve të së Drejtës Mjedisore (AJDE), apo edhe anëtar i Bordit Drejtues të shoqatës joqeveritare "Dajti Alpino-Turistike". Ndër aktivitetet e shumta që ka kryer, veçohet kontributi disavjeçar, si trajner për trajnimin e organizatave jofitimprurëse shqiptare, në fushën e pjesëmarrjes publike.

ZNJ. ELISA MJEKRA

Ndihmëskomisionere në Seksionin e Administratës

Znj. Elisa Mjekra është pjesë e institucionit të Avokatit të Popullit prej vitit 2019. Aktualisht, mban pozicionin Ndihmëskomisionere në Seksionin e Administratës. Ajo ka përfunduar studimet Master në Fakultetin Ekonomik Aristotel dhe Fakultetin Ushtarak SSAS në Selanik, Greqi në fillim të vitit 2009. Pas diplomimit, ka punuar në një Universitet Privat. Më pas është emëruar përgjegjëse në një kompani Greko-Franceze. Në vitin 2011, pas përfundimit të studimeve një vjeçare si "Audituese e Brendshme" është emëruar inspektore Auditë pranë Ministrisë së Brendshme, ku ka punuar deri në vitin 2019.

Z. ALKET JAUPI

Ndihmëskomisioner në Seksionin e Administratës

Z. Alket Jaupi është pjesë e institucionit të Avokatit të Popullit prej vitit 2000. Aktualisht mban pozicionin Ndihmëskomisioner në Seksionin e Administratës, me statusin e nëpunësit civil të nivelit të lartë drejtues. Ai ka përfunduar studimet në Fakultetin Juridik të Universitetit të Tiranës, në vitin 1995. Në vitin 2018, ka fituar gradën shkencore "Doktor", në fushën e sigurisë dhe të të drejtave të njeriut, në Akademinë Ushtarake, Tiranë. Pas diplomimit ai ka punuar në profesionin e juristit në disa subjekte private, si dhe në shoqëri tregtare me kapital shtetëror, duke ushtruar njëkohësisht për disa kohë edhe profesionin e avokatit. Paralelisht ai ka qenë pedagog i jashtëm në Fakultetin Juridik të Universitetit të Tiranës dhe në disa universitete jopublike, si dhe vazhdon të jetë pedagog i jashtëm (lektor), në Kolegjin Universitar të Biznesit. Paralelisht me detyrën, ai ka dhënë kontributin e tij në hartimin e legjislacionit shqiptar, si pjesëmarrës në projekte të USAID dhe Fondacionit "Soros", për të drejtën e informimit, kodin e procedurave administrative, si dhe të drejtat e minoriteteve. Në periudhën 2002-2003, ai ka qenë anëtar i Komitetit Teknik, për Institucionet e Sektorit të Drejtësisë, i ngritur nga bashkëpunimi i vendit tonë me Programin Danez të Ndihmës në Tranzicion. Ai është certifikuar nga ASPA në vitin 2016, si trainer i administratës publike. Së fundmi, z. Jaupi është certifikuar si pjesëmarrës i në Programin e Liderimit të Vizitorit Ndërkombëtar "Zhvillimi i të Drejtave të Minoriteteve", zhvilluar në vitin 2018, në Shtetet e Bashkuara të Amerikës.

ZNJ. JONIDA VILA

Ndihmëskomisionere në Seksionin e Administratës

Znj. Jonida Vila mban pozicionin e ndihmëskomisionere në Seksionin për organet e administratës qendrore, të pushtetit vendor dhe të të tretëve që veprojnë për llogari të tyre, që prej vitit 2022. Në vitin 2012 ka mbaruar studimet të nivelit bachelor dhe master shkencor në Universitetin Luarasi për drejtësi. Ka studiuar në Universitetin në Pisa- Itali, në fakultetin e shkencave politike në profilin/degën për Ekonominë e tregut dhe administratës publike.

SEKSIONI PËR POLICINË, SHËRBIMIN SEKRET, BURGJET, FORCAT E ARMATOSURA DHE PUSHTETIN GJYQËSOR

Seksioni për Policinë, Shërbimin Sekret, Burgjet, Forcat e Armatosura dhe Pushtetin Gjyqësor (Seksioni i Veçantë) drejtohet nga Komisioneri dhe ka në përbërje katër ndihmëskomisionerë.

Komisioneri i Seksionit të Veçantë është zgjedhur nga Kuvendi i Republikës së Shqipërisë në përputhje me procedurat e parashikuara në nenin 33/1 të ligjit nr. 8454, datë 04.02.1999, "Për Avokatin e Popullit", i ndryshuar.

Z. BESNIK DEDA

Komisioner i Seksionit të Veçantë

Z. Besnik Deda ushtron për një mandat 4-vjeçar funksionin e Komisionerit të Seksionit për Policinë, Shërbimin Sekret, Burgjet, Forcat e Armatosura dhe Pushtetin Gjyqësor në institucionin e Avokatit të Popullit, sipas Vendimit nr. 30/2024, miratuar më datë 04.04.2024 nga Kuvendi i Republikës së Shqipërisë

Besnik Deda me detyrë Komisioner i Seksionit për Policinë, Shërbimin sekret, Burgjet, Forcat e Armatosura dhe Pushtetin gjyqësor, pranë Avokatit të Popullit, ka lindur në vitin 1965 në Vlorë. Ai ka kryer arsimin e mesëm dhe të lartë në Akademinë Ushtarake "Skënderbej", Tiranë, në vitin 1986, si dhe Fakultetin Juridik në Universitetin "Ismail Qemali", Vlorë, në vitin 2009. Gjithashtu, ai ka kryer edhe "Kolegjin e Lartë të Sigurisë" pranë Akademisë së Mbrojtjes në Tiranë, kolegji i njohur në nivel rajonal dhe i çertifikuar nga NATO. Gjatë karrierës së tij, ka kryer një sërë trajnimesh brenda dhe jashtë vendit, në fushat e pozicioneve si punonjës i nivelit të lartë në administratwn publike.

Ka një eksperiencë mbi 30 vjet në funksione të ndryshme të FA, si dhe në administratën publike në nivel qendror në Kuvendin e Shqipërisë, Ministrinë e Ekonomise, Ministrinë e Financave dhe në sektorë privat. Nga viti 2013 dhe në vijim, ai ka kryer detyra në funksione të ndryshme në institucionin e Avokatit të Popullit.

Z. SOTIRAQ NUSHI

Ndihmëskomisioner në Seksionin e Veçantë

Z. Sotiraq Nushi është pjesë e institucionit të Avokatit të Popullit prej vitit 2000. Aktualisht mban pozicionin Ndihmëskomisioner në Seksionin e Veçantë, me statusin e nëpunësit civil të nivelit të lartë drejtues. Ai ka përfunduar studimet në Shkollën e Lartë të Ministrisë së Punëve të Brendshme, dega "Polici" në vitin 1985, me rezultate të shkëlqyera. Ka përfunduar studimet në Fakultetin Juridik të Universitetit të Tiranës në vitin 1995, me rezultate të larta. Ka përfunduar studimet "Master i Nivelit të Dytë" në Fakultetin Juridik të Universitetit të Tiranës në vitin 2011, duke u diplomuar me Medaljen e Artë. Për periudhën 1985-1993 ka punuar si oficer policie në Drejtorinë e Punëve të Brendshme Tiranë në detyra të ndryshme, në policisë kriminale dhe atë të rendit. Për rezultate të larta në punë është shpërblyer disa herë materialisht dhe moralisht. Me Dekretin Nr.7310, dt. 16.06.1989 të Presidentit të Republikës është dekoruar me medaljen "Për ruajtjen e rendit shoqëror". Nga viti 1995-2000 ka punuar në profesionin e avokatit, anëtar i Dhomës së Avokatëve Tiranë. Nga muaji gusht 2000 e në vijim punon në Institucionin e Avokatit të Popullit, në Seksionin e Veçantë, në detyrën e ndihmëskomisionerit. Shtator 2012 deri në gusht 2013 është komanduar në detyrën e Drejtuesit të Njësisë për Parandalimin e Torturës pranë Avokatit të Popullit. Për periudhën 2002-2003 ka qënë pedagog i jashtëm në Akademinë e Policisë Tiranë në lëndën e të Drejtës Administrative. Më pas ka dhënë leksione të herpashershme për të drejtat e njeriut me kurset pasuniversitare në Akademinë e Policisë. Gjatë viteve 2011-2014 ka qënë pedagog i jashtëm në Universitetin jo Publik "Akademia e Biznesit" Tiranë në lëndën e Kriminalistikës dhe i të Drejtës së Falimentimit.

Z. ADIL SKUQI

Ndihmëskomisioner në Seksionin e Veçantë\

Z. Adil Skuqi është pjesë e institucionit të Avokatit të Popullit prej vitit 2008. Aktualisht mban pozicionin Ndhimëskomisioner në Seksionin e Veçantë. Ai ka përfunduar Fakultetin e drejtësisë në Shkollën e Lartë Universitare Jopublike "Luarasi" në vitin 2008. Karrierën në Institutin e Avokatit të Popullit e ka nisur në vitin 2008 ku fillimisht ka kryer detyrën e sekretarit të Seksionit të Përgjithshëm. Më pas është emëruar përgjegjës në Sektorin e Informacionit dhe Pritjes së Popullit. Në Qershor të vitit 2008 është emëruar ndihmëskomisioner në Mekanizimin Kombëtar të Parandalimit të Torturës. Pas rreth katër vitesh punë në MKPT është transferuar me detyrë pranë Seksionit të Veçantë, seksion që ndër të tjera shqyron edhe ankesa të të personave të privuar nga liria dhe personave të ndaluar/arrestuar nga Policia e Shtetit. Gjatë eksperiencës si pjesë e institucionit të Avokatit të Popullit është trajnuar vazhdimisht brenda dhe jashtë vendit për çështje të të drejtave të njeriut në nivel kombëtar dhe ndërkombëtar.

ZNJ. FJONA ZAÇAJ

Ndhimëskomisionere në Seksionin e Veçantë

Znj. Fjona Zaçaj është pjesë e institucionit të Avokatit të Popullit prej vitit 2019. Aktualisht mban pozicionin Ndhimëskomisionere në Seksionin e Veçantë. Ajo ka përfunduar studimet në Fakultetin e Drejtësisë, Universiteti i Krajovës, Rumania, në vitin 2004. Në vitin 2008 përfundoi studimet master në Fakultetin e Drejtësisë në Tiranë. Në periudhën 2004 - 2007 ka punuar juriste pranë njësisë së qeverisjes vendore, Fondacionit të Biznesit të Vogël, si dhe eksperte e jashtme e Qendrës për Nisma Ligjore Falas. Gjatë viteve 2007-2009 ka ushtruar detyrën e specialistes në Drejtorinë Juridike të Ministrisë së Brendshme dhe më pas, 2009-2016 ka mbajtur postin e përgjegjëses së sektorit të akteve në këtë drejtori, ku ka ndjekur procedurat për hartimin dhe miratimin e projektakteve ligjore dhe nënligjore, dhënien e asistencës dhe mendimit ligjor, përfaqësimin e ministrisë në grupe pune etj. Në periudhën 2016-2017 ka punuar si ndihmëskomisionere në Mekanizimin Kombëtar për Parandalimin e Torturës, pranë Avokatit të Popullit, me fokus inspektimin dhe vëzhgimin rregullisht të ambienteve ku mbahen personat e privuar nga liria. Gjatë vitit 2018 ka ushtruar detyrën e këshilltares ligjore në njësinë e shërbimit ligjor, në Komisionin e Pavarur të Kualifikimit, me objekt studimin e dosjeve dhe përgatitjen e relacioneve në kuadër të procesit të rivlerësimit.

Ka marrë pjesë në trajnime e seminare të ndryshme profesionale, brenda dhe jashtë vendit.

ZNJ. EDLIRA CIMBI

Ndhimëskomisionere në Seksionin e Veçantë.

Znj. Edlira Cimbis ushtron detyrën si Ndhimës Komisioner në Seksionin për Policinë, Shërbimin Sekret, Burgjet, Forcat e Armatosura dhe Pushtetin Gjyqësor pranë Institutin e Avokatit të Popullit.

Ajo ka kryer studimet në Fakultetin Juridik të Universitetit të Tiranës gjatë viteve 1992- 1996 dhe i ka përfunduar ato me rezultate të shkëlqyera. Në vitin 2006 ka marrë titullin "Avokat" dhe është anëtare e Dhomës së Avokatëve Tiranë. Më pas, për të rritur dhe pasuruar aftësitë profesionale në vitin 2013 ka studiuar dhe përfunduar ciklin e studimeve Master Shkencor në fushën e Administrimit Biznesit pranë Universitetin "S&P Qiriazi" Tiranë. Znj. Edlira Cimbis ka një eksperiencë të gjatë pune si juriste, duke filluar që nga viti 1997 e në vazhdim si në sektorin privat, kryesisht në shoqëritë aksionere të sektorëve strategjik si Altelecom sha në sektorin e telekomunikacionit dhe më pas ARMO sha në sektorin e hidrokarbureve ashtu dhe në administratën publike. Gjatë eksperiencave të punës është specializuar kryesisht në fushën civile, tregtare dhe administrative duke ushtruar dhe profesionin e avokatit me përfaqësimet në të gjitha shkallët e gjyqësorit për çështje të ndryshme.

Eksperiencia e saj në sektorin publik ka vazhduar në vitin 2015 si Drejtore e Administrimit të Brendshëm në Agjencinë e Ofritit të Shërbimeve Publike të Integruara (ADISA), ku në këtë pozicion drejtonte Sektorin Ligjor, Trajnimin, Burimet Njerëzore dhe Shërbimet Mbështetëse. Gjatë kësaj periudhe ka dhënë kontributin e saj aktiv në zbatimin e reformës në administratën publike, konkretisht në reformimin e ofritit të shërbimeve publike në vend si dhe në hartimin dhe

harmonizimin e legjislacionit në këtë fushë. Pjesëmarrëse aktive në grupe pune ndërinstitucionale si dhe në komitete drejtues me fokus strategjitë ndërsektoriale në përmirësimin e punës së administratës publike në vend. Në fillim të vitit 2019, me krijimin e Institucioneve të reja të drejtësisë në kuadër të Reformës në Drejtësi, ka punuar pranë Këshilli i Lartë i Prokurorisë (KLP) fillimisht në pozicionin e Drejtorit të Kabinetit të Kryetarit të Këshillit e më pas si Drejtore e Departamentit të Shërbimeve Ligjore. Gjatë eksperiencës në KLP është angazhuar në hartimin e akteve nënligjore si dhe në dhënien e opinioneve ligjore për procedurat administrativo-ligjore që ndiqeshin nga komisionet e përhershme apo të përkohëshme të KLP-së. Paralelisht me detyrat e mësipërme znj. Cimbi ka marrë pjesë në trajnime të ndryshme të cilat kanë ndihmuar në

MEKANIZMI KOMBËTAR PËR PARANDALIMIN E TORTURËS, TRAJTIMIT OSE DËNIMIT TË EGËR, ÇNJERËZOR OSE POSHTËRUES

Mekanizmi kombëtar për Parandalimin e Torturës, Trajtimin ose Dënimit të Egër, Çnjerëzor ose Poshtëruar (MKPT) drejtohet nga Komisioneri dhe ka në përbërje katër ndihmëskomisionerë.

Komisioneri i MKPT është zgjedhur nga Kuvendi i Republikës së Shqipërisë në përputhje me procedurat e parashikuara në nenin 33/1 të ligjit nr. 8454, datë 04.02.1999, "Për Avokatin e Popullit", i ndryshuar.

Z. AHMET PRENCI

Komisioner i Mekanizmit kombëtar për Parandalimin e Torturës, Trajtimin ose Dënimit të Egër, Çnjerëzor ose Poshtëruar

Z. Ahmet Prençi, ushtron për një mandat 4-vjeçar funksionin si Komisioner i Mekanizmit Kombëtar për Parandalimin e Torturës, trajtimin ose dënimit të egër, çnjerëzor ose poshtëruar pranë Avokatit të Popullit që nga data 26 Prill 2022 sipas vendimit të Kuvendit të Republikës së Shqipërisë

Ahmet Prençi është diplomuar Jurist në Universitetin e Tiranës dhe ekonomist në Universitetin Bujqësor Tiranë. Ka kryer studime të avancuara pasuniversitare jashtë vendit në fushën e të drejtës dhe sigurisë. Mban titullin "Avokat".

Ka një karrierë të pasur 30 – vjeçare, kryesisht në institucionet ligjzbatuese të shtetit shqiptarë si dhe në mësimdhënie dhe shoqërinë civile. Në vitin 1992 ka nisur karrierën si hetues dhe officer i policisë gjyqësore në Prokurorinë Krujë e më pas në Prokurorinë e Tiranës deri në vitin 2000 ku kryesisht është marrë me hetimin e veprave të ndryshme penale. Nga viti 2000 deri në vitin 2010 ka kryer detyra në funksione drejtuese në Policinë e Shtetit në disa rrethe si dhe Drejtor i Përgjithshëm i Policisë së Shtetit. Pas largimit nga kjo detyrë ka punuar si këshilluar i Ministrit të Brendshëm, Drejtor i Hetimit Tatimore, Inspektor i Lartë në Inspektoriatin e Deklarimit, Kontrollit të Pasurive dhe Konfliktit të interes për Zyrtarët e Lartë. Pas vitit 2018, është marrë me mësimdhënie në Universitete private si lektor i Kriminalistikës, Kriminologjisë dhe të Drejtës Penale si dhe me angazhime në këshillime e konsulenca juridike, menaxhim projekti dhe aktivizëm në shoqërinë civile si ekspert në fushën e drejtësisë dhe të drejtave të njeriut deri në vitin 2022.

Gjithashtu, Ahmet Prençi ka qenë prezent vazhdimisht në media kombëtare e ndërkombëtare me intervista, analiza dhe opinione që lidhen me fushën e sigurisë, drejtësisë dhe të drejtave të njeriut. Ai është autor i disa librave artistik me poezi, ese dhe romane ku ka fituar disa çmime kombëtare dhe librat e tij janë përkthyer e botuar edhe jashtë vendit.

ZNJ. NERTILA ISMAJLGECI

Ndihmëskomisionere pranë MKPT

Znj. Nertila Ismajlgeci është pjesë e institucionit të Avokatit të Popullit prej vitit 2018. Aktualisht mban pozicionin Ndhmëskomisionere pranë Mekanizmit Kombëtar për Parandalimin e Torturës, Trajtimit ose Dënimit të Egër, Çnjerëzor ose Poshtëruës, me statusin e nëpunësit civil të nivelit të lartë drejtues. Ajo është diplomuar në Fakultetin e Shkencave Sociale në vitin 2008 në Degën Psikologji me Titullin Psikolog Klinikist. Për një periudhë 1 vjeçare ka punuar si Përgjegjëse e Burimeve Njerëzore pranë Kompanie Private. Prej vitit 2009 deri vitin 2013 ka punuar pranë Shërbimit Kombëtar të Punësimit në pozicione të ndryshme si Specialiste dhe Përgjegjëse Sektori. Prej vitit 2014 deri në vitin 2018 ka qënë kryetare e Shoqatës për mbrojtjen e të larguarve nga Administrata, pjesë e shoqërisë civile. Gjatë eksperiencës si pjesë e institucionit të Avokatit të Popullit është trajnuar vazhdimisht brenda dhe jashtë vendit për çështje të të drejtave të njeriut në nivel kombëtar dhe ndërkombëtar.

Z. HAZBI SELITA

Ndhmëskomisioner pranë MKPT

Z. Hazbi Selita është pjesë e institucionit të Avokatit të Popullit prej vitit 2020. Aktualisht mban pozicionin Ndhmëskomisionere pranë Mekanizmit Kombëtar për Parandalimin e Torturës, Trajtimit ose Dënimit të Egër, Çnjerëzor ose Poshtëruës. Ai ka përfunduar studimet në Fakultetin Juridik të Universitetit të Tiranës në vitin 2011 si Jurist- Specializuar në "e Drejtë Penale". Në periudhën 2012 deri 2016, ka ushtruar detyrën e Specialistit në Drejtorinë e Përgjithshme të Shërbimit të Provës, Zyra Vendore Tiranë. Nga viti 2016 deri në vitin 2019 ka punuar pranë Inspektoratit të Lartë të Deklarimit dhe Kontrollit të Pasurive dhe Konfliktit të Interesave, në pozicione të ndryshme si Këshilltar dhe Ndhmës – inspektor. Për periudhën Qershor 2019 deri në Janar 2020 ka punuar si ekspert i jashtëm në Institutin e Avokatit të Popullit me aktivitet dhe përgjegjesite kryesore linspektive në institucionet e privimit të lirise për të Miturit në Konflikt me Ligjin".

ZNJ. GLORIA ÇARKAXHIU

Ndhmëskomisionere pranë MKPT

Znj. Gloria Çarkaxhiu është pjesë e institucionit të Avokatit të Popullit prej vitit 2020. Aktualisht mban pozicionin Ndhmëskomisionere pranë Mekanizmit Kombëtar për Parandalimin e Torturës, Trajtimit ose Dënimit të Egër, Çnjerëzor ose Poshtëruës. Ajo ka përfunduar studimet e larta për Juridik në Fakultetin e Shkencave Juridike, Ekonomike dhe Politike të Universitetit Aristoteli të Selanikut në Greqi ekuivalentuar Master Shkencor. Ka një eksperiencë mbi 10 vjeçare në profesionin e juristit. Pas përfundimit të studimeve për një vit ka punuar si asistent-avokate dhe në vitin 2012 ka marrë titullin "Avokat" nga Dhoma Kombëtare e Avokatisë. Prej vitit 2012 deri në vitin 2020 ka punuar si eksperte në Drejtorinë e Përgjithshme të Kodifikimit dhe Harmonizimit të Legjislacionit në Ministrinë e Drejtësisë dhe më pas ka qënë Përgjegjëse e Sektorit të Diasporës, pranë Agjencisë Kombëtare të Diasporës. Ka marrë pjesë në shumë trajnime të zhvilluara si brenda dhe jashtë vendit për hartimin e legjislacionit, për procesin legjislativ shqiptar dhe implementimin e legjislacionit me *acquis communautaire*, për parandalimin dhe adresimin e dhunës seksuale dhe të bazuar në gjini në institucionet e mbyllura, për forcimin e Antikorrupsionit në Evropën Juglindore përmes Përmirësimit të Masave të Konfiskimit të Pasurive etj. Ka qënë eksperte në grupet e punës të ngritura nga Ministri i Drejtësisë kryesisht për analizimin dhe hartimin e legjislacionit përgjatë reformës në drejtësi dhe akteve nënligjore në zbatim të saj, paketës penitenciare etj. Ka qënë pjesë e grupit të ekspertëve në Komitetin për Parandalimin e Pastrimit të Parave dhe Financimit e Terrorizmit (Moneyval) të Këshillit të Evropës, përfaqësuese në Grupin e Punës për Vlerësimin Universal Periodik (UPR) të Shqipërisë në Kombet e Bashkuara etj.

ZNJ. LINDITA DEDËGJONI

Ndhmëskomisionere pranë MKPT

Znj. Lindita Dedëgjoni është pjesë e institucionit të Avokatit të Popullit prej vitit 2017. Aktualisht mban pozicionin Ndhmëskomisionere pranë Mekanizmit Kombëtar për Parandalimin e Torturës, Trajtimit ose Dënimit të Egër,

Çnjerëzor ose Poshtërues. Ajo ka përfunduar studimet e larta universitare në Universitetin e Tiranës, Fakulteti i Mjekësisë, në vitin 1998. Në periudhën Shkurt 2003- Dhjetor 2004 ka ushtruar detyrën si Mjeke e Përgjithshme, Drejtorja Rajonale e Shëndetit Publik Vlore. Në periudhën Shtator 2005 – Korrik 2017 ka mbajtur pozicione të mesme drejtuese në Administratën Publike, si Drejtore e Drejtorisë së Burimeve Njerëzore dhe Shërbimeve Ministria e Transportit, Ministria e Jashtme, Ministria e Brendshme, Bashkia Tiranë. Prej muajit tetor të vitit 2017 ajo ushtron detyrën si Këshilltare pranë Avokatit të Popullit për çështje të investigimeve periodike në Institucionet shëndetësore se si ato operojnë në protokollin e mjekimeve dhe procedurat për të kryer një paketë shëndetësore, si dhe kontrolleve e protokolleve të mjekimeve në Institucionet e sigurisë së lartë, Burgjet etj.

SEKSIONI I PËRGJITHSHËM

Seksioni i Përgjithshëm drejtohet nga Komisioneri dhe ka në përbërje katër ndihmëskomisionerë.

Komisioneri i Seksionit të Përgjithshëm është zgjedhur nga Kuvendi i Republikës së Shqipërisë në përputhje me procedurat e parashikuara në nenin 33/1 të ligjit nr. 8454, datë 04.02.1999, "Për Avokatin e Popullit", i ndryshuar.

ZNJ. VILMA SHURDHA

Komisionere e Seksionit të Përgjithshëm

Znj. Vilma Shurdha ushtron për një mandat të dytë 4-vjeçar funksionin e Komisionerit të Seksionit të Përgjithshëm të sipas Vendimit nr. 32/2024, miratuar më datë 04.04.2024 nga Kuvendi i Republikës së Shqipërisë, me fokus mbrojtjen dhe parandalimin e të drejtave të njeriut, veçanërisht grupet vulnerabël, personat me aftësi të kufizuara, minoritetet. gratë, grupet e pafavorizuara etj

Vilma Shurdha, mban titullin "Jurist", diplomuar nga Universiteti i Tiranës, Fakulteti Juridik, si dhe titullin "Avokat". Ajo ka një karrierë të pasur dhe të diversifikuar në fushën e drejtësisë, këshillimit juridik dhe të drejtave themelore. Fillimisht, pas diplomimit në vitin 1998, ajo nisi karrierën e saj në sektorin publik, e angazhuar në përfaqësimin e institucionit në projekte dhe zgjidhjen e mosmarrëveshjeve, duke hartuar dhe rishikuar akte ligjore në fushat e kulturës, turizmit dhe sporteve. Pas kësaj periudhe, ajo kaloi në sektorin privat, duke punuar si avokate në disa zyra avokatieku ka ofruar konsulencë ligjore dhe ka menaxhuar projekte në fusha të ndryshme, duke përfshirë energjinë, industrinë minerare, të drejtën bankare, projekte të sektorit publik, mbrojtjen sociale, prokurimin publik dhe të drejtën tregtare. Në periudhën 2007-2013 u rikthye në administratën publike, në Agjencinë e Trajtimit të Koncesioneve, detyrë në të cilën ka ofruar asistencë ligjore për procedurat e koncesioneve dhe ka kryer negociimet për kontratat e koncesioneve me ofruesit fitues. Në periudhën 2013-2018 iu rikthye profesionit të avokatisë. Në vitin 2018, ajo mori detyrën e Këshilltares Juridike të Ministrisë në Ministrinë e Financës dhe Ekonomisë, duke ofruar konsulencë ligjore për çështje të ndryshme të kompetencës së Ministrisë. Në vitin 2019, me vendimin nr.38/2019 të Kuvendit të Shqipërisë, Vilma Shurdha mori detyrën e Komisioneres në Seksionin e Përgjithshëm.

ZNJ. MIMOZA MORINA

Ndihmëskomisionere në Seksionin e Përgjithshëm

Znj.Mimoza Morina është pjesë e institucionit të Avokatit të Popullit prej vitit 2006. Aktualisht mban pozicionin Ndihmëskomisionere në Seksionin e Përgjithshëm, me statusin e nëpunësit civil të nivelit të lartë drejtues. Ajo ka përfunduar studimet e larta në Fakultetin e Shkencave Politike, Dega Filozofi në vitin 1988 dhe Fakultetin Juridik,

Universiteti Tiranë në vitin 2001. Më datë 20.03.2004 ka fituar titullin "Avokat". Për periudhën Prill 1989-Korrik 1996 ka punuar si specialiste për nxjerrjen e të dhënave statistikore në Prokurorinë e Rrethit Tiranë. Për periudhën Gusht 1996-Dhjetor 2005 ka punuar pranë Shërbimit Social Shtetëror si Specialiste në Sektorin e Marrëdhënieve me Publikun; Inspektore e Ndihmës Ekonomike dhe Juriste në Sektorin e Aftësisë së Kufizuar. Gjatë eksperiencës si pjesë e institucionit të Avokatit të Popullit është trajnuar vazhdimisht brenda dhe jashtë vendit për çështje të të drejtave të njeriut në nivel kombëtar dhe ndërkombëtar.

ZNJ. LINDITA XHILLARI

Ndihmëskomisionere në Seksionin e Përgjithshëm

Znj. Lindita Xhillari është pjesë e institucionit të Avokatit të Popullit prej vitit 2008. Aktualisht mban pozicionin Ndihmëskomisionere në Seksionin e Përgjithshëm, me statusin e nëpunësit civil të nivelit të lartë drejtues. Ajo ka mbaruar studimet në Fakultetin e Drejtësisë, Universiteti i Tiranës në vitin 1996. Ka mbaruar masterin shkencor në katedrën civile në Fakultetin e Drejtësisë në vitet 2003-2005. Me tej në vitet 2013-2019 ka kryer studimet e thelluara doktorale pranë Universitetit të Tiranës, Fakultetit të Drejtësisë, Katedrës Publike dhe ka fituar gradën "Doktor i Shkencave". Për 2 vjet ka punuar si koordinatorë në Shoqatën e Atlantikut të Veriut, organizate e shoqërisë civile. Me pas për periudhën 1998-2002 ka punuar si juriste në Ministrinë e Shëndetësisë, e me tej si specialiste prokurimi në strukturat e varesive të kësaj ministrie. Në vitet 2002 deri në 2007 ka mbajtur pozicionin e Drejtores së Zyres Juridike pranë Presidentit të Republikës së Shqipërisë. Në vitin 2007-2008 ka punuar si Drejtore Juridike në Dhomen e Tregtisë dhe Industrisë, Tiranë. Për periudhën 1996-2005 ka qenë pedagoge e jashtë në Fakultetin e Drejtësisë, katedra Civile, lenda "E drejtë Biznesi", në Fakultetin Ekonomik.

ZNJ. KEJSI RIZO

Ndihmëskomisionere në Seksionin e Përgjithshëm

Znj. Kejsi Rizo është pjesë e institucionit të Avokatit të Popullit prej vitit 2018. Aktualisht, mban pozicionin Ndihmëskomisionere në Seksionin e Administratës. Ajo ka ndjekur studimet universitare bachelor pranë Universitetit Europian të Tiranës, Fakulteti i Drejtësisë, dega Juridik i Përgjithshëm përgjatë viteve 2010-2013. Në vitin 2015 ka përfunduar ciklin e plotë të studimeve universitare, në fushën Master Shkencor në "E drejtë publike, profili e drejtë ndërkombëtare dhe Evropiane". Ajo ka një eksperiencë rreth 7 vjeçare në administratën publike. Pas përfundimit të ciklit të parë të studimeve universitare, prej vitit 2014 ka punuar pranë institucionit Departamenti i Administratës Publike, në pozicione të ndryshme, si specialiste për rekrutimin e nëpunësve civilë, përgjegjëse e sektorit të procedurave të rekrutimit, dhe nga viti 2016 ka mbajtur detyrën e Drejtorit të Drejtorisë së Politikave të Rekrutimit në Shërbimin Civil. Gjatë kësaj eksperience znj. Rizo është trajnuar vazhdimisht brenda dhe jashtë vendit për çështje të menaxhimit të burimeve njerëzore, mirëadministrimit dhe reformës në administratën publike, si dhe ka qënë trajnere e kontraktuar nga Këshilli i Evropës në kuadër të projektit "Forcimi i strukturave të qeverisjes vendore dhe bashkëpunimit të përfaqësuesve vendorë të zgjedhur në Shqipëri". Prej vitit 2018 znj. Rizo është pjesë e institucionit të Avokatit të Popullit, me statusin e nëpunësit civil të nivelit të lartë drejtues. Gjatë eksperiencës si pjesë e institucionit të Avokatit të Popullit znj. Rizo është trajnuar vazhdimisht brenda dhe jashtë vendit për çështje të të drejtave të njeriut në nivel kombëtar dhe ndërkombëtar. Ajo është përfaqësuese e institucionit të Avokatit të Popullit në emër të Rrejtit Evropian për Institucionet Kombëtare të të Drejtave të Njeriut, pranë Komitetit të Këshillit të Evropës për Inteligjencën Artificiale. Znj. Rizo ushtron aktivitetin akademik në lëndët "E drejta ndërkombëtare publike" dhe "E drejta e organizatave ndërkombëtare" pranë Universitetit Mesdhetar të Shqipërisë, prej vitit 2017 e në vazhdim. Ka marrë pjesë në disa konferenca kombëtare dhe ndërkombëtare për çështje të lidhura me të drejtat e njeriut, shtetin e së drejtës dhe demokracinë. Gjithashtu, prej vitit 2016 është lektore pranë Shkollës Shqiptare të Administratës Publike, në modulin "Prezantimi me administratën publike", tema "Shërbimi Civil".

ZNJ. DEJANA BURGJIJA

Ndihmëskomisionere në Seksionin e Përgjithshëm

Znj. Dejana Burgjia është pjesë e institucionit të Avokatit të Popullit prej vitit 2017, fillimisht si anëtare e kabinetit e më pas ka mbajtur pozicionin si drejtoreshë e Drejtorisë së Financës, Shërbimeve dhe Pritjes së Qytetarëve. Nga viti 2022 e në vazhdim mban pozicionin ndihmëskomisionere në Seksionin e Përgjithshëm.

Ajo ka përfunduar studimet universitare në Fakultetin Ekonomik pranë Universitetit të Tiranës, duke marrë titullin "financiere" në vitin 2004. Në vitin 2012 ka përfunduar ciklin e studimeve pasuniversitare profesionale intensive Euro-Mediterranean Studies pranë University EMUNI, Portoroz, Slovenia. Në vitin 2013 ka përfunduar studimet pasuniversitare në Fakultetin Ekonomik pranë Universitetit të Tiranës në degën Menaxhim Biznesi (Sipërmarrje). Ka studiuar pranë Akademisë Diplomatike Shqiptare, Qendra për Marrëdhënie Nderkombetare dhe Diplomaci, në fushën Marrëdhënie Nderkombetare dhe Diplomaci. Pas përfundimit të studimeve universitare, znj. Burgjia ka punuar për periudhën 2004-2009 në sektorin bankar, si financiere e më pas si drejtuese e njëres prej agjencive të Bankës Kombëtare Greke. Prej vitit 2009 deri në vitin 2013 ka drejtuar Drejtorinë Rajonale të Punësimit Durrës. Për periudhën 2013-2017 ka punuar financiere në biznes privat dhe njëkohësisht si lektore pranë Departamentit Financë-Kontabilitet në Fakultetin Ekonomik të Universitetit Aleksandër Moisiu, Durrës, për lëndët "Paraja dhe banka" dhe "Sistemet Financiare në BE". Znj. Burgjia është trajnuar në fusha të ndryshme si menaxhimi i migracionit me qëllim punësimin në Ballkanin perëndimor, ngritje e kapaciteteve të komiteteve rajonale për luftën kundër trafikimit të qënieve njerëzore, për politikën dhe legjislacionin lidhur me personat me aftësi të kufizuara, për përfshirjen gjinore dhe forcimin e mekanizmave shtetërore për barazinë gjinore në Shqipëri, për përfaqësimin e sektorit publik dhe planifikimin strategjik, ka ndjekur trajnimin e parë për ndërmjetësues, trajnime për të drejtat e njeriut, etj.

ZNJ. BRISIDA KERTUSHA

Ndihmëskomisionere në Seksionin e Përgjithshëm

Znj. Brisida Kërtusha është pjesë e institucionit të Avokatit të Popullit prej vitit 2019. Aktualisht, mban pozicionin Ndihmëskomisionere në Seksionin e Përgjithshëm. Ajo ka kryer studimet në Fakultetin e Shkencave Sociale të Universitetit të Tiranës përgjatë viteve 2001-2005. Më tej, ka përfunduar Masterin e shkencave për Politika dhe Qeverisje në Europë, në Institutin e Studimeve Evropiane, Universiteti i Tiranës. Ajo ka një eksperiencë disa vjeçare në institucione të ndryshme të administratës shtetërore. Gjatë periudhës 2005-2009 ka punuar në Institutin e Prefektit Qarku Durrës specialist për çështjet sociale. Gjatë viteve 2009-2013 ka ushtruar detyrën e Drejtorit, pranë Drejtorisë së Politikave Rinore në Ministrinë e Turizmit Kulturës Rinisë dhe Sporteve, kontributi i dhënë në këtë sektor konsistonte në planifikimin, zbatimin dhe monitorimin e projekteve rinore dhe dokumentave strategjikë. Në kuadër të ristrukturimit të fushave të përgjegjësisë të ministrive të linjës, gjatë periudhës 2013-2019, ka ushtruar detyrën si eksperte e politika rinore në Ministrinë e Mirëqenies Sociale dhe Rinisë dhe në Ministrinë e Arsimit Sportit dhe Rinisë në të cilën kontributi i saj ka konsistuar në hartimin dhe zbatimin e Planit Kombëtar të Veprimit për Rininë 2015-2020 në harimin e projekt Ligjit për Rininë, hartimin e akteve të tjera ligjore dhe nënligjore si edhe si edhe koordinimin e programave të ndryshme për të rinjtë. Përgjatë viteve 2020-2021 ka punuar si eksperte në Seksionin për Mbrojtjen dhe Promovimin e të Drejtave të Fëmijëve në Avokatin e Popullit, ku është angazhuar në monitorimin e kushteve dhe drejtave të fëmijëve të privuar nga liria, apo në konflikt me ligjin. Nga periudha 2021-2022 ka ushtruar detyrën si Përgjegjëse në Sektorin e Bashkëpunimit Nderkombëtar dhe Integritetit Evropian pranë Avokatit të Popullit, ku ndër të tjera është trajnuar brenda dhe jashtë vendit për çështje të të drejtave të njeriut në nivel kombëtar dhe ndërkombëtar. Në vitin 2022, znj. Brisida Kërtusha është emëruar ndihmëskomisioner në Seksionin e Përgjithshëm, në institucionin të Avokatit të Popullit.

ZNJ. BRUNILDA DERVISHAJ

Ndihmëskomisionere në Seksionin e Përgjithshëm

Znj. Brunilda Dervishaj, është pjesë e Avokatit të Popullit prej vitit 2022. Aktualisht, mban pozicionin e ndihmëskomisioneres në Seksionin e Përgjithshëm, me statusin e nëpunësit civil të nivelit të mesëm drejtues. Ka ndjekur studimet e larta në Fakultetin e Drejtësisë, Universiteti i Tiranës, duke marrë titullin "Jurist" në vitin 1995. Prej vitit 1998-

2022 ka punuar si specialiste dhe drejtuese e strukturave shtetërore për çështjet e barazisë gjinore, kundër dhunës ndaj grave dhe mbrojtjes nga diskriminimi për grupet e disavantazuara. Gjatë kësaj periudhe është kualifikuar si eksperte e barazisë gjinore dhe të drejtave të grave, si brenda dhe jashtë vendit, duke qenë dhe Trajnere për këto çështje. Gjatë kësaj periudhe ka qenë pjesë e grupeve ndërinsitucionale, që kanë punuar për përmirësimin e legjislacionit dhe hartimit të politikave për barazinë gjinore, pjesë e shkrimit të raporteve kombëtare për zbatimin e Konventave për të Drejtat e Njeriut si: "Konventa për eliminimin e të Gjitha Formave të Diskriminimit ndaj grave", Konventa e Këshillit të Evropës "Për parandalimin dhe luftimin e dhunës ndaj grave dhe dhunës në familje" si dhe pjesë e delegacioneve për mbrojtjen e këtyre raporteve. Përfaqësuese e shtetit në Komitetin për Barazi Gjinore të Këshillit të Evropës prej 2019-2022. Përfaqësuese e shtetit për barazinë gjinore, kundër dhunës ndaj grave dhe mbrojtjes nga diskriminimi për LGBT, në negociatat me Bashkimin Evropian. Pjesëmarrëse dhe lektore në Konferenca Kombëtare dhe Ndërkombëtare lidhur me të drejtat e njeriut.

ADMINISTRATA E INSTITUCIONIT TË AVOKATIT TË POPULLIT

Administrata e institucionit të Avokatit të Popullit përbëhet nga Sekretari i Përgjithshëm, i cili është njëkohësisht edhe nëpunësi më i lartë civil i institucionit, që ka në varësi Sektorin e Integritimit Evropian dhe Bashkëpunimit Ndërkombëtar, si dhe Drejtorinë e Financës, Shërbimeve dhe Pritjes së Qytetarëve (ku përfshihet Sektori i Financës dhe Prokurimeve, Sektori i Burimeve Njerëzore, Sektori i Shërbimeve dhe Sektori i IT dhe Pritjes së Qytetarëve).

Z. FATBARDH ZENELAJ

Sekretar i Përgjithshëm i institucionit të Avokatit të Popullit

Z. Fatbardh Zenelaj mban detyrën e Sekretarit të Përgjithshëm të institucionit të Avokatit të Popullit prej vitit 2014. Ai ka përfunduar studimet në Fakultetin Juridik të Universitetit të Tiranës në vitin 1996. Gjatë studimeve universitare (1995), në kuadër të Programit Tempus të financuar nga Këshilli i Evropës, u përzgjedh për të ndjekur studime ligjore në Universitetin e Lejdenit (Hollandë). Në vitin 2007, ka marrë nga Fakulteti i Drejtësisë i Universitetit të Tiranës titullin Master në të Drejten Publike. Gjithashtu, është trajnuar në fushën e ligjit (veçanërisht në të drejtën ndërkombëtare dhe integritimin evropian) përmes kualifikimeve të ndryshme të realizuara brenda dhe jashtë vendit ku vlen të përmenden kualifikimet/trajnimet në SHBA, Hollandë, Spanjë, Greqi, Bullgari etj. Ai ka një eksperiencë mbi 24-vjeçare në administratën publike ku ka mbajtur dhe ushtruar detyra të ndryshme, duke filluar nga jurist në Ministrinë e Transporteve, Koordinator pranë Ministrisë së Shtetit për Integritimin Evropian, Përgjegjës Sektori në Ministrinë e Integritimit Evropian, Drejtor Kabineti/Drejtor i Burimeve Njerëzore, Marrëdhëniet me Jashtë dhe Publikut në Autoritetin e Mediave Audiovizive. Z. Zenelaj ka qenë anëtar në shumë grupe pune në fusha të ndryshme të së drejtës (përfshirë dhe procesin e vetëingut në drejtësi dhe polici), ku ka ofruar ekspertizën dhe njohuritë të tij, si dhe ka kontribuar si ekspert ligjor në shumë projekte të financuara nga organizata ndërkombëtare që veprojnë në Shqipëri në fusha të tilla si integritimi evropian, konkurrenca, media etj. Që nga muaji shtator 2020, është lektor pranë Shkollës Shqiptare të Administratës Publike (ASPA).